

MPHATO WA 2 LELEME LA GAE

Bagwera ba direlana bjalo



Puku ya

2

SEPEDI



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tliego go e bala. Boledišanang ka ga diswantšho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantšho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tloltlontšu ye mpsha (lebelela lenaneo la tloltlontšu ye mpsha kua bokagareng bja letlakala la mafelelo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšiša dipotšišo tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tloltlontšu.
- E re barutwana ba ngwale mešongwana ya dihllopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng tša
sengwalwa ge go kgonega.



Barutwana ba swanetše go dira mešongwana ye e theilwego godimo ga go bala ka dihllopha ka morago ga ge ba badile. E re barutwana ba šome ka dihllopha go ngwala mešongwana ya maleba ya go bala ka dihllopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.

Bagwera ba direlana bjalo



Jane le Maphoko ba be ba
nametše dipaesekela tša
bona kgauswi ga noka.

Jane o be a kitimiša
paesekela kudu.

Ge a dutše a theoga
mmoto, o be a dutše a
oketše lebelo.

Maphoko a re: "Fokotša
lebelo Jane! Fokotša lebelo!
O otlela ka lebelo kudu!"





Fokotša
lebelo, Jane!

Ka nakwana, Jane a thula
letlapa la ntlhana. O ile a
lebelela tlase gomme a bona
gore thaere ya gagwe e
phontšhitše.

"Aowi!" A lla. "Leotwana
la ka le phontšhitše!"

"O se tshwenyege, Jane,"
gwa realo Maphoko. "Ke tla
go thuša go e lokiša."

Eupša Maphoko le Jane ba be
ba lebetše go tla le pompo goba
ditlabelo tša go lokiša paesekela.





Aowa banna!
Thaere ya ka
e phontšhitše!

Ke tla go thuša
go e lokiša.





Maphoko a re: "Ke tla boela
gae, ka tla le pompo ya ka."

Maphoko o nametše paesekela
ya gagwe a boela gae, a tlogela
Jane le mpša ya gagwe.

"Nka se tsoge ke otletše
paesekela ka ntle le ditlabelo
tša go e lokiša," Jane a
ngunanguna bjalo.

Ke tla boa
ka pela!



Jane o letile, a leta, a leta.
O letile nako ye telele
gomme a thoma go kwa
tlala le lenyora.

"E se kgale go tlile go ba
leswiswi," a nagana bjalo.






Afa Maphoko o
tla boa pele leswiswi
le swara?

Jane a bona Maphoko a
theoga, a na le butiagwe,
Motswaledi.

Jane o be a thabile kudu
ge a ba bona.

"Ke thabile kudu ge o
boile!" Jane a goelela
bjalo a kitimela go
Maphoko le Motswaledi.






Ke leboga ge o boile.
Na o tlide le pompo?

Motswana di o thušitše
basetsana go pompa thaere.

Ka morago a re: "A re yeng
gae pele go eba leswiswi."






Bana ba boetše gae
ka dipaeskela, ba
bonegelwa ke ngwedi.

E be e le leeto le
letelele ka dipaeskela.
Ba be ba kgonà go
kwa digwagwa ge di lla
le maribiši ge a re hii!
hii! Ba be ba kgonà go
kwa ditsentsere ge
di tswinya, gomme le
magotlo a tswinya.





Ba tshetše leporogo ka dipaesekela.

"Bonang ngwedi!" a realo Maphoko. Ngwedi wo o tagilego o re bonegetše tsela.

"Re swanetše go fihla gae ka pela," gwa realo Jane.

"Mma mo a lego gona o tshwenyegile kudu ka nna."

"Nako e batametše iri ya seswai," gwa realo Motswaledi.

"Re swanetše go ba re fihlile gae ka nako ya metsotso ye masome a mararo."





Ra ba ra fihla gae! Jane
a gokara Maphoko, a re:
"Ke a go leboga, Maphoko."
"O mogwera yo mogolo."

"Bagwera ba direlana bjalo,"
Maphoko a realo.

**Bagwera ba nnete
ba a thušana!**



Go bolokega

Polokego ditseleng

-  Lebelela ka mo le ka mo ge o tshela.
-  Tshela mo go lego mebala ya go swana le ya pitsi.
-  Ema ge roboto e le ye khubedu.
-  Lebelela ka mo le ka mo ge o nametše paesekela.
-  Hlompha melao ya tsela.
-  Ka dinako tšohle, rwala helmete ge o nametše paesekela.
-  Ka dinako tšohle, eba le ditlabele tša go lokiša paesekela.

Polokego ka paesekela

- Ka dinako tšohle rwala helmete.
- Ka dinako tšohle namela le mogwera.
- Apara diaparo tša meballa ya go taga.
- Kgonthiša gore dithaere di tletše gabotse.
- Dula o swere ditlabele tša go lokiša paesekela le pompo.
- Lebelela ka mo le ka mo ge o nametše paesekela.
- Mamaretša dipanyapanji paesekeleng ya gago.
- Notlela paesekela ya gago ge o e tlogela ka ntle.



Mešongwana ya go bala ka sehlopha



1


Lebelela diswantšho tše di lego mo tlase
gomme o botše mogwera wa gago gore:

- go direga eng seswantšhong se sengwe le se sengwe.
- ke seswantšho sefe seo se swanetšego go ba sa mathomo, sa bobedi le sa boraro.
- ke hlogo efe ye e lebanego le seswantšho se se itšego.

Motswaledi o
ba thušitše.

Jane o lebogile
Maphoko.

Jane o thutše
letlapa.



Šomiša diswantšho tše gore di go thuše gore o
botše mogwera wa gago seo se diregilego:

- mathomong a kanegelo
- bogareng bja kanegelo
- bofelong bja kanegelo



2

Diragatša kanegelo.



3

Balela mogwera wa gago mafoko a a latelago, gomme o šomiše mafoko ao ka tatelano ya maleba go bušeletša go bolela kanegelo.

- Jane o thutše letlapa gomme a phontšhiša thaere ya gagwe.
- Motswaledi o thusitše basetsana go lokiša thaere.
- Jane le Maphoko ba ile ba namela dipaesekela tša bona ba itloša bodutu ka tšona.
- Jane o ile a leboga Maphoko le Motswaledi ka ge ba mo thusitše.
- Maphoko o ile a ya go tšea pompo.



4

Ngwalolla lenaneo le la mo tlase ka pukung ya gago. Ngwala mantšu ao a tšwago mo kanegelong goba mantšu a gago ao a thomago ka medumo ye: **bj, kg, th** le **tl**.

bj	kg	th	tl
_____	_____	_____	_____
_____	_____	_____	_____

Kgetha medumo ya maleba go feleletša mantšu a:

__aba	__ela	__ogo
__aka	__ebe	__utlwa

ts

kg

th



5

Lebelela letlakala la 14 gomme o ngwale medumo yeo e dirwago ke diphoofolo tše.



6

Botša mogwera wa gago dikarabo tša dipotšišo tše.

- a. Efa hlogo ya kanegelo.
- b. Baanegwathwadi ke bomang kanegelong ye?
- c. Ke ka lebaka la eng Maphoko a ile a ya gae ka paeskela a tlogela Jane a le noši?
- d. Naa o nagana gore Jane o bile bohlale ka go letela Maphoko? Efa lebaka la karabo ya gago.
- e. Naa o ka be o ile wa dira eng ge o ka be o be o le Jane?



7

Akanya o le Jane. Ngwala karata ya go leboga o e romele Motswaledi le Maphoko ka ge ba go thušitše.

MPHATO WA 2 LELEME LA GAE



Puku ya 2

Hlogo:	Bagwera ba direlana bjalo
Leleme:	Sepedi
Kgato ya:	Puku ya go bala Mphato wa 2 Kgato ya 2 Puku ya 2
Mohuta wa sengwalwa:	Kanegelo
Mantšu a tlwaelo:	kitimile, ralokile, theogile, thabile, boile, leboga, nametše, romela, thuša, namela
Tlotlontšu:	dipaeskela, thaere, phontšha, ditlabele, ngwedi, pompa, ngunanguna, leswiswi, segwagwa, bodutu
Medumo:	aa, ee, oo, ae, ou, ea, tš, ts, th, tl, ny, gw, ph
Diteng, marel le mabokgoni:	<ul style="list-style-type: none">▪ Go hlaloša diswantšho.▪ Go latelanya diswantšho.▪ Go nyalanya dihlogo le diswantšho.▪ Go šomiša diswantšho go bolela kanegelo gape.▪ Go diragatša kanegelo.▪ Go latelanya mafoko gore a bolele kanegelo gape.▪ Go hwetša mantšu ao a nago le medumo ye e latelago mo kanegelong: bj, tl, ph, ts, gw.▪ Go šomiša medumo ye e latelago go feleletša mantšu: ts, th, gw, ph.▪ Go ngwala medumo yeo e dirwago ke diphoofolo.▪ Go bala le go araba dipotšišo tša tekatlhao loganyo.▪ Go ngwala karata ya go leboga.

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kwešišo yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo sehlopheng.

Dipuku tše di akaretša 'go bolela ka sengwalwa' tekatlhao loganyo le mešongwana ye mengwe ya go thuša barutiši gore ba kgone go hlahlha go bala ka sehlopha ka diphapošing tše bona.



ISBN 978-1-4315-2489-1



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dipuku tše dingwe tše
Leleme la gae tše Mphato
wa 2. Rakeng ya dipuku:



**Boati o hwetša bagwera
ba baswa**

Bophelo bjo boima

**Ka fao pitsi e hweditšeego
mebala ya yona**

Jerry o rata go bala



**Bubu, ngwana wa tlou
o a timela**

Bagwera ba direlana bjalo

Lepidibitšana la go befa



**Pasekela ye mpsha
ya Mogorosi**

Diphoofolo di etela lewatle

Leru Leruarua, o a phološa